



**PEJABAT MENTERI PERTANIAN DAN KETERJAMINAN MAKANAN
KEMENTERIAN PERTANIAN DAN KETERJAMINAN MAKANAN MALAYSIA
MINISTRY OF AGRICULTURE AND FOOD SECURITY MALAYSIA**

Aras 17, Wisma Tani,
No. 28, Persiaran Perdana, Presint 4,
Pusat Pentadbiran Kerajaan Persekutuan,
62624 PUTRAJAYA,
MALAYSIA

Tel : 603 8870 1003/1039
Faks (Fax) : 603 8870 1035
Portal Rasmi : www.mafi.gov.my

KENYATAAN MEDIA

KETERJAMINAN BEKALAN TELUR AYAM DALAM NEGARA

PUTRAJAYA, 6 Disember 2022 – Merujuk kepada Sidang Media YAB Perdana Menteri pada 5 Disember 2022 (Isnin) berkenaan keterjaminan bekalan telur ayam dalam negara, Kementerian Pertanian dan Keterjaminan Makanan menyedari keperluan bekalan telur ayam yang merupakan makanan seharian berprotein yang popular di kalangan rakyat Malaysia dengan kadar penggunaan purata telur ayam sebanyak 968 juta biji sebulan.

Sehubungan itu, sebagai pelan jangka pendek, Kementerian telah mengenalpasti beberapa sumber dari luar untuk menampung keperluan bekalan dalam Negara dengan kadar segera bagi memastikan keterjaminan telur ayam di pasaran. Kementerian juga akan memastikan telur ayam yang diterima selamat daripada penyakit dan menepati piawaian yang ditetapkan. Segala protokol dan tatacara yang ditetapkan Kerajaan perlu dipatuhi tanpa kompromi.

Inisiatif membawa masuk telur ayam dari sumber luar bukan untuk menekan pengusaha industri telur ayam tempatan, sebaliknya bagi memastikan bekalan telur ayam dalam Negara tidak terputus dan kebajikan rakyat terjaga. Keperluan membawa masuk telur ayam dari sumber luar juga akan dikaji semula setelah bekalan telur ayam kembali stabil.

Saya juga telah meminta Ketua Setiausaha Kementerian untuk melihat impak mengimport telur ayam dari sumber luar kepada industri telur ayam tempatan sedia ada, dan Agrobank untuk mengemukakan cadangan bagi membantu pembekal dan pengusaha kecil supaya mereka kekal berdaya saing dalam industri ini.

Kementerian sentiasa berusaha dengan pelbagai pendekatan bagi menjamin bekalan telur ayam Negara kembali stabil dengan harga yang kompetitif. Kementerian yakin isu kekurangan bekalan telur ayam dapat diselesaikan dalam masa terdekat dengan kerjasama pelbagai pihak.

**YB TUAN HAJI MOHAMAD BIN SABU
MENTERI PERTANIAN DAN KETERJAMINAN MAKANAN
6 DISEMBER 2022**



CERTIFIED TO ISO 9001:2015
CERT. NO : MY-QMS 02386

CERTIFIED TO ISO/IEC 27001:2013
CERT. NO : AR 5894